

欽定剿平三省邪匪方略

正編

十九

卷之三 家範

家範

七

欽定剿平三省邪匪方略正編卷三十一

丁巳年

三月十四日

甲寅

惠齡恒瑞舒亮奏言

臣

等差弁

探得前此分竄洪山及泰山寺二處之賊又復
分爲數股自一二百人至四五百不等探知官
兵由何處前來卽從官兵未經之處任意奔逃
第官兵利在迎頭截剿若僅分投追襲旣不能
聚而殲除而各處奔馳人馬亦易疲乏且賊匪

四散分竄每股自有率領之人姚之富現在何

股雖未深知果將夥黨殲除首逆自難漏網

臣

等商將營盤紮住分帶官兵先行掃蕩各路零

星潰匪倘首逆等卽在其中自屬事半功倍若

祇係夥從各犯撲滅一處卽少一處牽制

臣惠

齡行抵梓山探得賊分兩股竄匿洪山之南隨

卽紮營三里岡要路一面率領臬司先福協領

穆克登佈候補道府恒慶護軍叅領盛永帶兵
由長岡店一帶搜捕並派副翼長富廉叅將穆
克登布候補知府鄭成基帶兵由板橈崗截剿
副將皂靈保協領德昌知州阿霖帶兵由黑虎
嶺前進富廉等行至香花園遇賊約三百餘人
正從對面山梁翻越而下該員等恐其見而逃
散穆克登布當卽帶兵繞至賊匪後路鄭成基

同都司李英多各帶兵一百名分伏左右富廉
於山下要口溝內屯住賊匪不知官兵在彼相
率趨下富廉卽帶兵突出鎗箭齊發殺死五十
餘人賊匪果從左右山坳返身竄上山梁欲圖
四逸經穆克登布等帶兵三面圍裹將此股賊
匪盡數殺死並生獲陸成宗等三名皂靈保行
至出山店見該處民人紛紛逃至皆稱賊匪在

黑虎嶺一帶搶掠該將等卽縱兵掩擊賊匪不
虞官兵猝至捨命前逃適防守溫峽口縣丞張
世維帶同鄉勇聞報趕來前後夾攻該處地面
寬廣不能兜圍當殺死一百餘人餘匪逃入洪
山而去該將等入山逐處搜捕又獲賊張添爵
等十八名臣惠齡將到長岡店卽望見洪山垵
一帶
有賊二三百人越嶺而來隨飭先福穆克

登佈帶兵伏於山左恒慶盛永帶兵伏於山右

臣

帶兵隱於樹林之內復差鄉勇四五十人假

充難民分投藏匿以誘其來賊匪果一擁而至

欲行追捉甫入山溝卽施放號礮先福等兩路

齊出

臣

惠齡帶兵自後兜剿登時盡行殺斃生

擒執旗騎馬賊目劉上滌一名旗上大書帥字

該犯供稱手下原有夥黨二千餘人自正月來

均被官兵擒殺僅剩三百餘人欲圖逃竄又遇官兵盡行殺斃詢以姚之富下落不吐一字實

堪痛恨當卽寸磔處死

臣

恒瑞等追賊至泰山

寺賊已聞風逃竄三月初四日趕至洛陽店適

遇賊匪七八百人正向南行

臣

恒瑞舒亮同碩

雲保富成分領馬步官兵四面圍剿賊匪狡獪異常一見官兵卽行奔逃隨卽分投追捕殺死

二百餘人餘均四散時值大雨道路滑澀祇可
暫緩追剿使其復聚一處以便殲除又據阿爾
薩朗等報稱初三日在觀音岩搜殺逸賊六十
餘人又於尙家店拏獲乘機搶奪之匪徒韓文
洎韓文湧李大會等三人當場殺死十三人隨
帶兵抄尋舊路沿途察探現已無賊等語臣等
提訊陸成宗等均供該犯等於二月二十九日

在高梘地方與姚之富等分路姚之富並未說
要逃往何處祇令斷莫與官兵接仗遇見時卽
四散奔走總要官兵不知我們出沒纔好逃脫
又據韓文滔等供稱該犯等因見居民畏懼教
匪是以糾約同夥十六人假充教匪探馬嚇散
居民乘機搶掠各等語該犯等均屬法無可寬
當卽概予駢誅臣等現仍分派員弁酌帶兵勇

逐處嚴查並將湖南撤回官兵九百餘名卽委
原領兵之副將關聯陞等帶赴適中之易家山
一帶相機策應旣可攔賊北竄並可查緝匪徒
惟自三月初一日至今連日雨雪交作人馬俱
難馳驟臣等不勝焦急現在差探首逆蹤跡一
俟天氣稍晴卽行帶兵星往掩捕

惠齡又奏言查慶成一路自與臣等分投剿捕

之後彼此相離較遠音信不能常通三月初三日始接慶成二月二十日知會據稱探知賊在

黃龍寺洪家莊屯聚當卽帶領馬步官兵由北面繞至駱駝店地方遇賊前來卽帶馬隊衝殺步隊隨後接應賊向東南楚豫交界之新店一帶奔竄該提督追趕二十餘里殺賊一百餘名繼復接其二十七日來信據稱賊匪總在山中

逃竄暫留巴克坦布帶領火器營兵駐防武勝

關一面仍帶兵加緊抄襲等語

臣

等查賊匪圖

延殘喘到處分逃而應山界接黃安復嶺重山

路通安豫兩省尤關緊要隨飛札慶成速行分

兵兜剿一面知會該督撫派員在於邊境堵拏

旋准景安札致撥兵協剿確山竄匪

臣

查確山

一帶路當孔道而

臣

尋現帶各兵實又難於分

往因查興肇現在帶回滿兵一千七百名除派出七百名往防夾河洲外尙有一千名可以撥用隨飛行知會興肇囑其帶兵就近取道確山

會同景安剿辦並聞應山縣之許家沖等處亦

有潰匪逃匿

臣

等復將南省撤回官兵六百餘

名交原領之荊州城守營叅將吉林泰卽日馳往應山會同該府速行撲滅查應山確山之賊

卷之三

七

自係慶成等剿散餘匪此股賊匪本不過二千
餘人今復分爲數股人數自必無多惟各州縣
一聞賊匪入境不辨多寡卽事張皇以致無賴
匪徒乘機滋擾今臣酌撥官兵分往剿捕一面
嚴飭該州縣務須督率鄉勇鎮定堵防不可驚
慌畏縮並飛咨慶成速行分派鎮將馳往截剿
奏入

上命軍機大臣傳諭惠齡景安恒瑞慶成曰惠齡等

所奏不過敷衍塞責該處賊匪於洪山泰山寺一

帶復分數股逃竄希圖分我兵力此其奸計顯而

易見今惠齡等分帶官兵欲將零星潰匪先行掃

蕩以期撲滅一處卽少一處牽綴是亦下策惠齡

等雖由長岡店一帶縱兵掩擊並入山逐處搜捕

而殲賊不多首逆尙在潛逃賊匪分竄每股自有